



UNIVERSITÄTS-
BIBLIOTHEK
PADERBORN

Universitätsbibliothek Paderborn

Kirchen Calender

Goldwurm, Kaspar

Franckfort am Mayn, 1574

xxxj Paulinus Bischoff zu Trier.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

Dieser ist vonn hohem Böhemischem Geschlecht geboren / vnd nach absterben Dietrichemari des ersten Bischoffs zu Prag / ist er an seine statt erwehlet worden / Nach dem er aber etlicher vrsachen halber gen Rom gezogen / vñ ein zeitlang bey seinem Bruder Gaudentio gelebet / hat er sich wider zu seinen Schäflein / die selbigen zu wenden / in Böhem begeben / vund hat König Stephanum / vnd schier ganz Ungariam zu Christlicher erkandnuß gebracht / Darnach ist er in Poln gezogen / vnd daselbst auch Boleslaum zu Christlichem glauben gebracht / vnd in sampt vielem Volet des Lands geraufft. Endlich ist er in Preissen gezogen / vund daselbst beständiglich das Euangelium von Ihesu Christo geprediget. Vnd dieweil er ire öffentliche Abgötterey vnd andere Laster ernstlich gestraffet hat / ist er vonn dem Gottlosen Volet getöppfet worden / zu der zeit Othonis III. Römischen Keyfers.

an
D
xxx
Adalbert
ius.

Dieser ist ein frommer vund beständiger Christ vund Bischoff zu Trier gewesen / bey welchem der Heylig Athanasius / da er ein zeitlang hat müssen weichen vmb beständiger bekandnuß willen / so er inn dem Meylan-

ti
G
xxx
Pauli
nus.

dischen Synodo wider die Arianer erzeigt vñ
gebraucht/geherbriget/vnd auffenthaltung ge-
habt hat/ Endlich aber ist er von Constantino
Römischen Keyser/vmb beständiger Christli-
cher bekandnuß willen/ in Phrygiam inn das
elendt verschickt worden/daselbst hat er das E-
uangelium von Jesu Christo ganz freudig vñ
beständiglich geprediget. Vñ nach dem er vil
volcks zu Christlicher erkandnuß gebracht/ ist
er seliglich in Christo vñ diser welt abgeschiedt.



September, Herbstmonat/
Hat xxx. Tag.

E
S
i
Egidius

Dieser ist ein fromer/gelehrter/ vnd Christli-
cher Man gewesen/welcher in Griechen-
landt gewohnt/zu Athen. Nach dem er aber zu
Christlichem glauben bekehret worden/hat er
einen guten theyl seiner Güter den armen Chri-
sten geschencket/vnd hat sich mit etlichen from-
men Christen vonn der Heydnischen Gesell-
schafft abgesondert/vnd in besondere orth be-
geben/